

आकाशवाणी

खबरां पूनम डोगरा कोला

1. सरकारै तुर्किए दी ग्राउंड हैंडलिंग फर्म सेलेबी एयरपोर्ट सर्विसेज इंडिया प्राइवेट लिमिटेड दी सुरक्षा मंजूरी फौरी प्रभास कन्नै रद्द करी दिती ऐ।
2. जामिया मिलिया इस्लामिया नै तुर्किए दी सरकार कन्नै सरबंधत इदारें'नै सब्भनै समझौता ज्ञापनै गी फौरी प्रभास कन्नै रद्द करने दी घोषणा कीती ऐ।
3. संयुक्त राष्ट्र नै आखेआ ऐ जे आलमी सतह उप्पर बनी दिएं अनिश्चितताएं दे बावजूद भारत सब्भनै शा तेजिआ कन्नै बधने आहली बड्डी अर्थबवस्था बने दा ऐ।
4. कान फिल्म महोत्सव च भारत मंडप दे उद्घाटन दे कन्नै भारत नै अपनी मजबूत मजूदगी दर्ज करोआई ऐ।
5. लंदन हाईकोर्ट नै 13 ज्हार करोड़ रुपें दे पंजाब नेशनल बैंक धोखाधड़ी मामले च नीरव मोदी दी जमानत याचिका खारज करी दिता ऐ।
6. संयुक्त अरब अमीरात दे अल ऐन च आयोजित एशियाई शतरंज चैंपियनशिप च भारती ग्रैंडमास्टर निहाल सरीन उपविजेता रेह न।

Turkey-Firm

सरकार नै तुर्किए दी ग्राउंड हैंडलिंग फर्म सेलेबी एयरपोर्ट सर्विसेज इंडिया प्राइवेट लिमिटेड दी सुरक्षा मंजूरी फौरी प्रभास कन्नै रद्द करी दिता ऐ। शैही हवाबाजी सरबन्धी सुरक्षा ब्यूरो दे हुक्मै च आखेआ गेआ ऐ जे एह फैसला राश्ट्री सुरक्षा दे हितै च लैता गेआ ऐ। इस कंपनी लेई सुरक्षा मंजूरी नवंबर-2022 च बीसीएस महानिदेशक होरें प्रदान कीती ही। सेलेबी एविएशन दिल्ली, मुंबई, बेंगलुरु, हैदराबाद, गोवा, कोच्चि ते कण्णूर सने 9वें शैहें दे ब्हाई अड्डें पर जातरी सुविधा, डुआरिएं दे संचालन, कार्गो ते डाक सेवाएं दे कन्नो-कन्नी एयरो-ब्रिज ते वेयरहाउस सेवाएं दा प्रबंधन प्रदान करदी ऐ। बीसीएस दे निर्देशें मूजब, दिल्ली अंतर्राश्ट्री ब्हाई अड्डा लिमिटेड-डायल नै इंदिरा गांधी अंतर्राश्ट्री ब्हाई अड्डे पर ग्राउंड हैंडलिंग ते कार्गो संचालन लेई जिम्मेदार सेलेबी संस्थाएं दे कन्नै सैहयोग गी औपचारिक रूप कन्नै खत्म करी दिता ऐ। निरंतरता ते परिचालन स्थिरता जकीनी बनाने लेई, डायल मजूदा ग्राउंड हैंडलिंग सेवा प्रदाताएं ते बर्ड ग्रुप दे कन्नै सक्रिय रूपै कन्नै तालमेल करै करदा ऐ।

<><><><><><>

Jamia-Mannu Turkey MOUs

भारत ते तुर्किए दे सरबन्धें च व्यापक गिरावट दे बाद केई प्रमुख भारती युनिवर्सिटिएं राश्ट्री सुरक्षा सरबन्धी चैताएं दा हवाला दिं दे होई तुर्किए दे संस्थानें कन्नै अपने अकैडमिक समझौता जापन-एमओयू गी रद्द करी दिता ऐ। जामिया

मिलिया इस्लामिया नै तुर्किए दी सरकार कन्नै सरबंधत इदरें कन्नै सब्भनै समझौता जापनै गी फौरी प्रभाऽ कन्नै रद्द करने दी घोषणा कीती ऐ। सोशल मीडिया पोस्ट च युनिवर्सिटी नै दस्सेआ जे ओह “राश्ट्र दे कन्नै मजबूती कन्नै खड़ोते दे ना” हैदराबाद दी मौलाना आज़ाद राश्ट्री उर्दू युनिवर्सिटी नै बी हालिया घटनाएं दे बाद तुर्किए च यूनुस एमरे संस्थान दे कन्नै अपने अकैडमिक समझौता जापन गी फौरी प्रभाऽ कन्नै रद्द करी दिता ऐ। एहदे शा पैहले, जवाहरलाल नेहरू युनिवर्सिटी नै बी तुर्किए च इनोवू युनिवर्सिटी दे कन्नै अपने समझौता जापन गी रद्द करी दिता हा। इस बरे दी शुरुआत च 3 फरवरी गी होए दे इस समझौते दा मकसद सैहयोगी शोध ते विद्यार्थिं दे आदान-प्रदान गी बढ़ावा देना हा। प्रमुख रणनीतिक ते रक्षा मुद्दें पर पाकिस्तान दे कन्नै तुर्किए दे गठबंधन करी भारत च एहदे उत्पादें ते सैलसफा दे बहिष्कार दी बी मंगग उट्ठन लगी पेदी ऐ।

<><><><><><>

India-Economy

संयुक्त राश्ट्र मूजब भारत सबबनै शा तेजिया कन्नै बधा'रदी बड़्डी अर्थ बवस्था बने दा ऐ। संयुक्त राश्ट्र दी विश्व आर्थिक स्थिति ते संभावना WESF दी मध्य वर्षीय रिपोर्ट मूजब इस माली बरे च भारतीय अर्थ बवस्था च 6 इशारिया 3 फीसदी दा बाददा होने दी मेद ऐ। संयुक्त राश्ट्र दे वरिष्ठ अर्थ शास्त्री इन्गो पिटरले होरें आखेआ ऐ जे एह बाददा मजबूत निजी खपत ते सार्वजनिक निवेश

थमां प्रेरित ऐ। रिपोर्ट च अंदाजा लाया गेदा ऐ जे भारत दे बाददे च अगले बरे 6 इशारिया 4 फीसदी दा बाददा होने दी मेद ऐ। एहदे उलट 2025 च वैश्विक बाददे दा अनुमान छड़ा 2 इशारिया 4 प्रतिशत ऐ। बपार, तनाव ते नीति अनिश्चता करी संभावना कमजोर न।

<><><><><><>

EAM

विदेश मंत्री डॉ. एस जयशंकर होरें भारत ते पाकिस्तान बश्कार कुसा त्रीये धड़े दी मध्यस्थता थमां इंकार करी दिता ऐ ते इस गल्ला गी परतियै स्पष्ट कीता ऐ जे इस्लामाबाद कन्नै नमीं दिल्ली दा बवहार पूरी चाल्ली दपक्खी होग। नमीं दिल्ली च इक कार्यक्रम दौरान मीडिया कन्नै गल्ल करदे होई डॉ. जयशंकर होरें आखेआ जे भारत नै एह स्पष्ट कीता ऐ जे पाकिस्तान कन्नै चर्चा करने लेई छड़ी इक्क गै गल्ल बचदी ऐ ते ओह ऐ पाकिस्तान दे कब्जे आहले जम्मू-कश्मीर च नजैज तौरा पर कब्जाए गेदे भारतीय खेतर गी खाली करना। उनें आखेआ जे सिंधु जल संधि अदूं तगर स्थगित रौहग जदूं तगर पाकिस्तान आसेआ बन्ने पार आतंकवाद गी रोकेआ नेई जंदा। भारत ते पाकिस्तान बश्कार गोलीबारी बंद होने दे बारे च डॉ. जयशंकर होरें आखेआ जे नमीं दिल्ली नै इस्लामाबाद गी सनेआ भेजेआ हा जे छड़े आतंकवादी ढांचे गी निशाना बनाया जा'रदा ऐ ते पाकिस्तानी सेना गी एहदे मददेनजर कोई गेंs नेई पुट्टने लेई आखेआ गेआ हा पर पाकिस्तान नै उंदी सलाह गी नजरअंदाज करी दिता।

<><><><><><>

Cannes

भारत नै कान फिल्म महोत्सव च भारत मंडप दे उद्घाटन कन्नै अपनी मजबूत मौजूदगी दर्ज कराई ऐ जिनें कुल संसा मंच उप्पर अपनी सिनेमा गी बढ़ावा देने लेई देश दी प्रतिबद्धता दी पुष्टि कीती ऐ। मंडप वैश्विक स्तर पर भारतीय सिनेमा गी ते अंतरराष्ट्रीय सहयोग गी बढ़ावा दिंदा ऐ। इस कार्यक्रम च फिल्म निर्माता ते आई.एफ.एफ.आई महोत्सव दे निदेशक शेखर कपूर ते दिग्गज अभिनेता अनुपम खेर हुंदे सने कई मन्नी-परमन्नी दियां हस्तियां शामिल हियां। इस मौके पर शेखर कपूर होरें इक्क रचनात्मक शक्ति दे रूप च भारत दे बधा'रदे प्रभाव ते कुल संसारी एकता गी बणवा देने च सिनेमा दी भूमिका उप्पर लो पाई।

<><><><><><>

Nirav

लंदन दे होई कोर्ट नै हीरा कारोबारी नीरव मोदी दी नमी जमानत याचिका खारिज करी दिती ऐ। नीरव मोदी उत्थूं दी जेल च बंद ऐ ते अपने मामा मेहुल चोकसी कन्नै 13 जहार करोड़ रपे दे पंजाब नेशनल बैंक धोखाधड़ी मामले च भारत च वांछित ऐ। नीरव मोदी नै कल लंदन दी अदालत च अपने प्रत्यर्पन अनुरोध दा फैसला औने तगर जमानत दी रिहाई दी मंग कीती ही।

<><><><><><>

Ukraine

यूक्रेनी राष्ट्रपति बोलोदिमीर जेलेँस्की होंरें घोषणा कीती ऐ जे ओह इस्तांबुल च रूस दे कन्नै आगामी शांति वार्ता च हिस्सा नेई लैडन। उआं यूक्रेन रक्षा मंत्री रूस्तम उमरोव हुंदे नेतृत्व च इक्क प्रतिनिधिमंडल भेजेआ जाग जेड़ा तनाव घट्ट करने दे यत्नं दा समर्थन करोग। अंकारा च बोलदे होई राष्ट्रपति जेलेँस्की होंरें गल्लबात लेई यूक्रेन दी प्रतिबद्धता बश्कार प्रमुख फैसला लैने आहलें दी गैर मौजूदगी आहली बक्खी इशारा कीता ते रूस दे इरादे उप्पर शक प्रगट कीता।

<><><><><><>

Delhi-Fire

दिल्ली एनसीआर दे मुंडका इलाके च जंदी रातीं इक रासायनिक गोदाम च अग्ग लग्गी गई। दिल्ली फायर सर्विसस मूजब जंदी संझा साइडे 5 बजे एह हादसा होआ जिसी अज्ज बड्डलै पौने चार बजे दे करीब पूरी चाल्ली काबू च करी लैता गेआ। विभाग नै गलाया जे इस हादसे च कुसा जानमाल दे नुकसान दी कोई खबर नेई ऐ।

<><><><><><>

Asian-Chess Championship

संयुक्त अरब अमीरात दे अल ऐन च आयोजित एशियाई शतरंज चैंपियनशिप च भारती ग्रैंडमास्टर निहाल सरीन उपविजेता रेह न। केरल दे अक्वल नम्बरै दे

खड्गारी नै अखीरले दौर च ईरान दे बर्दिया दानेश्वर गी हराया। हालांकि, सरीन गी घट्ट टाई-ब्रेक स्कोर दे कारण चांदी दे तगमे कन्नै संदोख करना पेआ, दौनें खड्गारिएं 9 राउंड च इक्क बरोबर 7 अंक हासल कीते। खिताब थमां खुंजने दे बावजूद, निहाल नै इस बरे दे अखीरै च भारत च होने आहले फिडे शतरंज विश्व कप च थाह पक्की करी लैती। 5 होरनें भारतीयें, पा. इनियान, आर. राजा ऋत्तिक, एस.एल. नारायणन, एम. प्रणेश ते जी.बी. हर्षवर्धन नै बी विश्व कप लेई क्वालीफाई कीता। महिला वर्ग च, वंतिका अग्रवाल चौथी थाहै पर रेहियां ते अक्वल नम्बरै दि'आं भारती फिनिशर रेइयां।

<><><><><><>